

**ՉԱՐԻՆ ՂԷՄ ՊԱՅՔԱՐԵԼՈՒ ԶԷՆՔԵՐԸ**

«Ի վերջոյ, գորացէ՛ք Տիրոջմով եւ իր ամենակարող գորութեամբ: Զեր վրայ առէ՛ք Աստուծոյ սպառազինութիւնը, որպէսզի կարենա՛ք Սատանային հնարքներուն դէմ դնել: Որովհետեւ մեր պատերազմը մարդոց հետ չէ, այլ՝ երկինքի տակ գտնուող չար ոգիներուն, իշխանութիւններուն եւ պետութիւններուն, այս խաւար աշխարհի տիրակալներուն դէմ:

Ուստի Աստուծոյ սպառազինութիւնը առէ՛ք, որպէսզի երբ չար օրը գայ՝ կարենա՛ք ետ մղել Զարին հարուածները եւ ամէն ինչ ընէ՛ք՝ կանգուն մնալու համար:

Հետեւաբար պատրաստ եղէ՛ք. նըշմարտութեամբ ամրապնդեցէ՛ք ձեր մէջքը, արդարութիւնը հագէ՛ք զրահի պէս եւ խաղաղութեան Աւետարանը քարոզելու պատրաստակամութիւնը հագէ՛ք կօշիկի պէս: Եւ այս բոլորին վրայ, հաւատքի վահանը առէ՛ք որպէսզի կարենա՛ք մարել Զարին արձակած բոլոր միացող նետերը: Առէ՛ք նաեւ փրկութեան սաղաւարտը եւ Սուրբ Հոգիին սուրբը, այսինքն՝ Աստուծոյ խօսքը: Այս բոլորին հետ աղօթեցէ՛ք, աղօթեցէ՛ք եւ խնդրեցէ՛ք տեւաբար Սուրբ հոգիին օգնութեամբ: Անոր համար ալ արթուն հսկեցէ՛ք կատարեալ յարատեւութեամբ աղօթելով բոլոր հաւատացեալ եղբայրներուն համար»:

*Եփեսացիներու 6.10-18*

**ՅԱՅՏԱՐԱՐՈՒԹԻՒՆ**

**ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ ԵՒ ՀԱՅ ՔՐԻՍՏՈՆԷԱԿԱՆ ԿԵԱՆՔԻ ՔՆՆԱՐԿՈՒՄ**

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդաձուլութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Նաեւ, ամէն Երեքշաբթի գիշեր, ժամը 8:00-9:00, Ազգային Առաջնորդարանի «Երջօ Սամուէլեան-Եռագոյն» սրահին մէջ, Նարեկ Սրբազան պիտի հանդիպի 18-40 տարեկան հայ երիտասարդ-երիտասարդուհիներու հետ՝ ծանօթացման ընկերային հաւաքով ու Աստուածաշունչի սերտողութեամբ քննարկելու համար հայ քրիստոնէական կեանքը: Միաժամանակ, նոյն ժամուն եւ նոյն վայրին մէջ, Արժ. Տ. Ղետնոյ քինյ. Լոշխաճեան Աստուածաշունչի սերտողութիւն պիտի կատարէ մեր ժողովուրդի զաւակներուն համար:

**Միքելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:**

**ՀԱՍՑԷ.**

**ՃՐԱԳ ԸՄԲԸՄԸՄԵՐԹ** - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 – *facebook-ի էջ jerak Ծրագր թերթ*



ՔՈՒ ԽՕՍՔԻ ԽՄ ՈՅՔԵՐՈՒՄ ԶՐԱԳ Է ՈՒ ԽՄ ԸԱԽԴՆԵՐՈՒՄ ԼՈՅՍ (Ս. 119-105)

**ԺԲ. ՏԱՐԻ ԿԻՐԱԿԻ, 15 ՍԵՊՏԵՄԲԵՐ 2019 ԹԻՒ 37**

**ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՅՈՒՄՆԵՐ**  
Ես. 49.13-23: Գղ. 6.14-18:  
**ՅԻՍՈՒՄ ՔՐԻՍՏՈՍԻ ԱԽԵՏԱՐԱՆԸ ԸՍՏ ՅՈՎՀԱՆՆՈՒ 3.13-21**

**ՏՕՆ ՎԵՐԱՑՄԱՆ ՍՐԲՈՅ ԽԱՉԻ**  
**ՅԻՍՈՒՄ ՔՐԻՍՏՈՍԻ ԱԽԵՏԱՐԱՆԸ**  
**ԸՍՏ ՅՈՎՀԱՆՆԵՍԻ**  
**3.13-21**

Ոչ որ երկինք ելաւ բացի մարդու Որդիէն, որ իջաւ երկինքէն՝ ուր կը գտնուէր: Եւ ինչպէս որ Մովսէս պղնձեայ օձը բարձրացուց անապատին մէջ, նոյնպէս ալ պէտք է Մարդու Որդին բարձրանայ, որպէսզի անոր հաւատացողը յաիտենական կեանք ունենայ: Որովհետեւ Աստուած այնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ՝ յաիտենական կեանք ունենայ: Որովհետեւ Աստուած իր Որդին աշխարհ որկեց, ո՛չ թէ որպէսզի Որդին աշխարհը դատապարտէ, այլ՝ որպէսզի աշխարհը փրկէ: Ով, որ կը հաւատայ անոր՝ չի դատապարտուիր. իսկ ով, որ չի հաւատար անոր՝ արդէն իսկ դատապարտուած է, Աստուծոյ միածին Որդիին չհաւատալուն համար:

Եւ դատապարտութիւնը այս է. հակառակ անոր, որ լոյսը աշխարհ եկաւ, մարդիկ խաւարը լոյսէն աւելի սիրեցին, որովհետեւ չարութիւն կը գործէին: Ով, որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին: Սակայն ով, որ կը կատարէ ինչ որ ճշմարիտ է, լոյսին կու գայ, որպէսզի յայտնի ըլլայ, թէ իր գործերը Աստուծոյ կամքին համաձայն գործուած են:

**ՄԱՐԳԱՐԵԱԿԱՆ ԳԻՐՔԵՐ**  
**ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԵՍԱՑԻ ՄԱՐԳԱՐԵՒԻ ԳԻՐՔԷՆ**  
**49.13-23**

Ուրախացի՛ր երկինք, ցնծա՛ երկիր, ուրախաճայն աղաղակեցէ՛ք, ո՛վ լեռներ, Տիրոջ արդարութիւնը պատմեցէ՛ք, ո՛վ բլուրներ, որովհետեւ Տէրը իր ժողովուրդին ողորմեցաւ եւ իր ժողովուրդին խոնարհները մխիթարեց:

Երուսաղէմի ժողովուրդը կ'ըսէր. *«Տէրը զիս լիեց ու մոռցաւ»:*

Բայց Տէրը կ'ըսէ. *«Միթէ մայր մը կրնա՞ իր դիեցուցած գաւաղը մոռնալ, կամ իր որովայնէն ծնած երեխային չգթալ: Բայց նոյնիսկ, եթէ այդպիսի մայր մը գտնուի, ես ինչ պիտի չմոռնամ քնաւ»:*

*Տե՛ս, ահա, ինչ պիտե՞րուս մէջ նկարեցի, եւ աւերակ պարիսպներուդ պատկերը միշտ աչքիս առջեւ է:*

*Շուտով գաւակներդ կը վերադառնան, մինչ ինչ քեզ քանդողներն ու աւերողները կը հեռանան:*

*Շուրջդ նայէ՛ եւ տե՛ս, արդէն գաւակներդ կը հաւաքուին ու ինչքի կու գան: Եւ ես, կենդանի Աստուածս, կ'ըսեմ. «Անոնք ինչ պիտի ծածկեն պատմուհանի պէս եւ անոնցմով պիտի զարդարուիս հարսի պէս»:*

*Աւերակներդ եւ քանդուած ու կործանած քաղաքներդ շուտով նեղ պիտի գան քնակիչներուդ համար, եւ ինչ հարստահարողները պիտի հեռանան:*

*Օտարութեան մէջ կորսուած գաւակներդ պիտի դառնան եւ ըսեն. «Այս տեղը նեղ է մեզի, տեղ տուր, որ քնակիմք»:*

**ՊՕՂՈՍ ԱՌԱՔԵԱԼԻ ՆԱՄԱԿ**  
**ԳԱՐԱՏԱՑԻՆԵՐՈՒՆ**

**6.14-18**

Գալով ինձի, քաւ լիցի, որ մեր Տիրոջ Յիսուս Քրիստոսի խաչէն զատ ուրիշ բանով պարծենամ: Այդ խաչին միջոցաւ մեղքի աշխարհը մեռած է այլեւս ինձի համար, ինչպէս ես մեռած եմ այդ աշխարհին համար: Կարելորդ մարդուս թլփատուած կամ անթլփատ ըլլալը չէ, այլ նոր արարած ըլլալը: Թող Աստուծոյ խաղաղութիւնն ու ողորմութիւնը ըլլան բոլոր անոնց հետ, որոնք այս սկզբունքին համաձայն կ'ապրին: Բո՛լոր անոնց, որոնք իր ընտրեալ ժողովուրդը կը կազմեն:

Այսուհետեւ, խնդրեմ, ոեւէ մէկը աշխարհիկ հոգերով թող զիս չնեղէ, որովհետեւ ես Յիսուսի կը պատկանիմ, ինչպէս մարմինիս վրայ վերքերուն սպիները կը վկայեն:

Եղբայրներ, մեր Տէր Յիսուս Քրիստոսի շնորհքը ձեր բոլորին հետ ըլլայ: Ամէն:

**ՇԱՐՈՒՄԱԿԵԼ**

**ԸՆԹԵՐՑԱՆՈՒԹԻՒՆԸ**

**ԱՍՏՈՒՄՕՒՇԱՇՈՒՄՆԵՐ:**

**ՍՈՒՐՔԵՐ ԵՒ ՏՕՆԵՐ**

**ԽԱՉՎԵՐԱՑ**



Ամէն տարի, Սեպտեմբեր 11-ի եւ 17-ի միջեւ գուգադիպող Կիրակի օրը, Հայաստանեայց Եկեղեցին կը յիշատակէ իր հինգ տաղաւարներէն մէկը՝ Խաչվերացը: Ինչպէս անունը կը պարզէ Խաչվերացը հայ ժողովուրդին սիրելի խորհրդանիշ դարձած խաչին նուիրուած տօներէն մէկն է:

Խաչի նուիրուած Խաչվերացի տօնը Խաչը փառաբանելու, Խաչը հպարտութեամբ վեր բարձրացնելու տօն մըն է: Այս տօնը հիմնուած է պատմական յստակ եղելութեան մը վրայ, որ տեղի ունեցած է Քրիստոնէութեան սկիզբի տարիներուն: Պատուական դրուագը հետեւեալն է. Պարսիկները Երուսաղէմը աւերելէ ետք կը փախցնեն Քրիստոսի խաչը: Հերակլ կայսրը իր կարգին կ'արշաւէ Պարսկաստան եւ կը վերատիրանայ սուրբ խաչին: Զայն վերցնելով՝ կը վերադառնայ Կ. Պոլիս եւ ժողովուրդին առջեւ հպարտութեամբ բարձրացնելով՝ մուտք կը գործէ քաղաք:

Խաչը վեր առնելու այս առաջին եղելութիւնը կը վերագրուի Երուսաղէմի առաջին եպիսկոպոս Յակոբ Առաքելին, որ խաչը վեր առնելով՝ օրհնեց ժողովուրդը անոր ըսելով. «Խաչի քո, Քրիստոս, երկիրպագանեմք», այսինքն՝ «Քրիստոս, Խաչիդ առջեւ կը ծնրադրեմք ու կ'երկրպագեմք»:

Խաչվերացի օրը, Հայաստանեայց եկեղեցիէն ներս կը կատարուի թափօր եւ Անդաստան, որուն ընթացքին օրհնութիւն եւ փառք կը տրուի Աստուծոյ իր տուած բարիքներուն եւ առատածնութեան համար եւ յատուկ աղօթքներով կ'օրհնուին աշխարհի չորս ծագերը:

**ԽԱՉԻ ԱՂՕԹՔ**

Քու Խաչը, մեզի թող ապաւեն ըլլայ, Տէր Յիսուս, երբ որ երեւաս Հօր փառքով՝ լուսաւոր ամպերու մէջ: Այն ժամանակ, մենք չենք ամչնար քեզ հաւատացողներս, այլ՝ Քու մեծ գօրութեամբ կ'ուրախանանք, Քու աջ կողմը, իբրեւ լուսոյ որդիներ, իբրեւ ցերեկուայ որդիներ: Ամէն:

**ԱՌԱԿ. ԳԼՈՒԽ ԺԵ. 10-12**  
*Բարի մարդուն խրատը ընդունելի է հարազատներուն համար, իսկ անոնք, որ յանդիմանութեան չեն հանդուրժեր՝ վարկաբեկիչ վախճան պիտի ունենան:*  
*Երբ մահն ու կորուստը յայտնի են Տիրոջ, որքան եւս առաւել՝ մարդոց սրտերը:*  
*Անուղղայ մարդը չի սիրեր զինք յանդիմանողը եւ չի հաղորդակցի գիտակից մարդուն հետ:*